



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1846

XXX. Vergleich des Kapitels zu Boister mit dem Kaland zu Seehausen über
eine Rente in Bezug auf die beabsichtigte Verlegung des erstern nach
Seehausen, am 17. März 1416.

Nutzungsbedingungen

[urn:nbn:de:hbz:466:1-54572](https://nbn-resolving.org/urn:nbn:de:hbz:466:1-54572)

XXX. Vergleich des Kapitels zu Boister mit dem Kaland zu Seehausen über eine Rente in Bezug auf die beabsichtigte Verlegung des erstern nach Seehausen, am 17. März 1416.

Wy Paulus Wardenberghe, Deken, unde dat ghanze Capittel to deme Boyfter, des Stichtes to Verden, bokennen — alze in vartyden unse Capittel vorkost heft etzwan heren Johann Frederikes van Ofterborch unde her Hinrick Monwer to Sehufen, den God gnade, andert-halue Marck süluers jarliker renthe Sehuffischer weringhe to ewiger tyd uth deme haue dar Hans Lüdekens uppe wanede to deme Ouer Boyfter alle jahr to geuende uppe sinte Nicolas daghe vor allen anderen renthen, de wy dar auer hebben, unde de to betalende unghehendert gheistlikes un werlikes gherichtes to Sehufen edder Ofterborch na öhren willen up unse Kost und euenture, unde affbrock worde der bothalinghe an deme vorenanten haue, dat wy denne de anderthalue Marck jarliker renthe gheuen schölen uth unseme teghede to Ofterborgheitorpe edder andern unsers Capittels wisesten renthen: De sülue renthe ock de vorbenomede heren hebben unfer Kerken unde Collegio wedder bescheiden myt underscheide nah öhreme Dode wan wy myth unsem collegio in de Stadt quemen to wanende und er nicht, unde dan to ministreren to den vigilien und misen alle jahr in tween jahr tyden alze in den quateremperen vor Wynachten unde in der Vasten, denn me fee und öhre Elderen des Donredaghes myt vygilien unde des frydaghes mit Selemysen beghan schall unde pennynge dar ministreren nah uhtwyfinghe der breue, dy wy hebben dar auer gheuen, unde alze nu nah öhrer beyder dode unse collegium noch nicht in de Stadt wanastich kamen is, hebbe wy uns myt guden vorrade myd des vorbenomeden heren Hinrikes testamentarien alze verdraghen gheened unde gelauet, unde lauen in kraft deses briefes dat wy in der tyd, dewyle wy myt unsem Collegio nicht in de Stadt to wanende kamen, de anderthalue Marck süluers scholen unde willen gheuen alle jahr in aller mathe alze vorcreuen steyt uppe S. Niclas dagh unvorthägert unde unvorhindert, unde de to antwerdende up unsen schaden unde euenture to Sehufen twen brüderen des Kalands, de de brüderschapp dar tho fetten edder benomet, de süluen dar van enem iglichen anniversario vorgescreuen scholen ministreren in der kerken to Sehufen twe verdinghe unde to dem Boyfter enen verdingh to den vigilien unde Selemisen, also se alderlikeft möghen na der uthsettinghe und willen etzwan Herr Hinrick Mouwer unde Herr Johan Frederikes vorgescreuen unde der bryfe luth, unde worde erghene insprake an der ministracie, deren schichtinghe schal stañ to Heren Lambrechte Wacker und to den andern testamentarien vordracht edder nah öhreme dode to den Deken unde to dem Kemerer und to den oldesten Heren des Kalands. Bliuet ock wat auer de distribucie to dem Boyfter nah der bryue luth, dat schal me dar sülues in ander gheystliken und der kerken bringhen. Wan ouer de Domheren myt dem collegio in de Stadt to Sehufen to bliuen inkamen, so laue wy ock liker wyse de vorbenomede renthe to gheuende alle jahr unvorthägert unde unghehendert den süluen heren alze vorcreuen steyt, de men den in aller mathe ministreren schall, alze de ersten briue eygentliken dar up gegheuen uthwisen. Ock schall neyn artikel edder worth deses briues de süluen andern briue breken edder öhn to schaden kamen. — ghegeuen — na der Borth Christi MCCCCXVI, in Sünte Gertruden daghe der bilgen Juncfrouwe.